

## Petra nevez ?

---

É nevesaat diaz an ti-kêr e ver. Serr e vo degemer hollek an ti-kêr d'ar mintin 3 a viz Mezheven. D'enderv e vo digoret en-dro, e sal ar c'huzul-kêr. Serr e vo an degemer bugaligoù ha deskadurezh d'an 3 a viz Mezheven e-pad an deiz. Serr e vo servijoù marilh ar boblañs hag an difraeoù reoliek d'an 3,4 ha 5 a viz Mezheven

## Daomp 'ta da c'hoari !

Un tour-tobogan, ur vag a-ispilh, un hentad kerdin, palerezioù bihan, korzennoù-riboul, ur « radell »...

C'hoarioù a bep seurt, evit ar vugale betek an oad a 12 vlez, zo kinniget àr tachenn-c'hoarioù ar park Jules Ferry. An oberidigezh-se, savet a-ratozh-kaer da jaojiñ tre-ha-tre doc'h al lec'h, zo disoc'h ur c'hendiviz ledan. Ne oa ket diover a soñjoù kaer ha dibar.

Diàr soñj un hent danzouar treuzwelus emañ ganet ar c'horzennoù-riboul, hag evit torriñ c'hoant tost razh an dud da vonet uhel e oa diwanet soñj an tour-tobogan seizh metr. Ha pa faote d'ar vugale beviñ taolioù-avantur e c'hellont bremañ krapat e-bourzh ar vag a-ispilh pe redek evel ur gour-haroz en ur grogiñ er paramantoù !

## An natur e kêr

Kalite ar vuhez, yec'hed, taliñ ouzh kudennoù liesseurt an endro : dibriz eo ar servijoù a vez rentet gant an natur. En Oriant, ar plant a vez implijet ha gounezet abaoe pell zo, pa oa bet kempennet ul liorzha diskuizhiñ e Kloz ar Porzh kerkent ha deroù an XVIII<sup>vet</sup> kantved. En deiz hiziv e kaver er park Jules Ferry pe e karter ar gar, da skouer, evel un heklek ag an istor-se. Meriñ mat endro ar glad glas en e bezh, derc'hel kont ag ar vevliesseurted, ha sevel lec'hioù digor evit aesaat al liammoù sokial en holl garterioù, zo e-kreiz an oberoù kaset da benn gant Kêr an Oriant.

## Gwarezomp hon endro beviñ

Àr raktresoù bras pe adkempennadurioù karter e labour an ti-kêr àr ar pemdez evit gwellaat kalite ar vuhez. Ur bochad servijoù a ginnig ha danframmoù a zo laket e-kerz an holl evit ma chomo naet ar lec'hioù... àr un dro dougen an annezidi da dapout boazoù mat. Get m'em zalc'himp mat bemdez hor bo tachadoù foran a-feson ! En tu-hont d'ar labour kaset get ar servijoù-kêr pe an embregerezh karget da naetaat kêr, e ranker bout pedagogel... Ha pa ne vez ket trawalc'h get pedagogiezh e vez savet telloù-kastiz : dav eo adlâret emañ difennet diskargiñ lastez hep aotre get ar C'hod kastizel.



**Darempred**

Ti-Kêr : 2 boulouard Leclerc - CS 30010 56315 Lorient Cedex - 02 97 02 22 00 // Eurioù : Lun -->  
Digwener : 8:30 -->17:15 ha Sadorn : 9:00 --> 12:00

OFIS PUBLIK  
**AR BREZHONEG**



Brudañ ar yezh ha skoazellañ anezhi d'en em zispakañ war holl dachennoù implij ur yezh zo e-touez kefridioù pennañ ar benveg. OFIS PUBLIK AR BREZHONEG



Sevenadur Breizh e Bro an Oriant EMGLEV BRO AN ORIENT

Heulit ac'hanomp

[Facebook](#)

[Twitter](#)

[Instagram](#)

Vimeo

Pellgargañ arload

Android

IOS

© 2018 - Lec'hienn Internet ofisiel ar c'hêrioù ar An Oriant